

Broj: 09-45-10588/20
Zenica, 11.06.2020.godine

STRUČNA SLUŽBA GRADSKOG VIJEĆA

PREDMET: Inicijativa, dostavlja se

Poštovani,

Na teritoriji Grada Zenica nalazi se područje koje obuhvata površinu od cca 52 km² i koje na osnovu svojih karakteristika predstavlja potencijal za zaštitu prema odredbama Zakona o zaštiti prirode (Službene novine FBiH, broj: 66/13). Radi se o potencijalnom parku prirode Babina – Tvrtkovac koji uključuje područja: Postojna iznad Puhovca, Markov kamen, Lastavica, tok Seočke rijeke sa izvorom (pećina), Tvrtkovac, do ispod Pepelara u pravcu zapada, izvorište Babine rijeke iznad Sebuja, Kraljevine, dalje u pravcu juga Mešanovo brdo, Smetovi, i dr. Predmetno područje kao područje za eventualnu zaštitu prepoznaje i Prostorni plan Grada Zenica, ali i Akcioni plan za zeleni grad Zenica, a inicijativu za pokretanje procedure za proglašavanje područja zaštićenim u više navrata su dostavljala udruženja i neki vijećnici.

Prema članu 144. Zakona o zaštiti prirode, kategoriju IIIa zaštićenih prirodnih vrijednosti (park prirode) proglašava zakonom kantonalna skupština. Prema članu 9. istog zakona, poslove zaštite prirode iz nadležnosti kantona vrši kantonalno ministarstvo nadležno za poslove okoliša i Kantonalni zavod za zaštitu prirode. Službeni zahtjev je ranije upućen Zeničko-dobojskom kantonu, ali do danas nije pokrenuta procedura za proglašavanje područja zaštićenim. U svojim odgovorima na upite pojedinaca i udruženja kantonalno ministarstvo je jasno izrazilo da je potrebno da Grad Zenica na osnovu pretpostavljenih granica područja i lokacija prirodnih vrijednosti formira Stručni tim koji će utvrditi detaljan opis područja koja se zaštićuju, naziv i kategoriju zaštićene prirodne vrijednosti, ocjenu stanja prirodne vrijednosti, komponente prirode koja se želi zaštititi, kao i precizne granice prostornog obuhvata. Međutim, članovima od 187. do 192. Zakona o zaštiti prirode utvrđuje se ko je zadužen za obavljanje stručnih poslova iz oblasti zaštite prirode, a jedinice lokalne samouprave nisu nabrojane ni u jednom članu kao odgovorne za pripremu i finansiranje izrade stručnih studija po kojima bi se moglo proglasiti zaštićeno područje. Grad Zenica se aktom broj: 09-45-9190/20 od 19.05.2020. obratio Federalnom ministarstvu okoliša i turizma sa molbom za razjašnjenje ove problematike. U odgovoru Federalnog ministarstva okoliša i turizma (u prilogu) jasno stoji da je proglašenje potencijalnog zaštićenog područja u nadležnosti kantona. U odgovoru stoji i da je kantonalni nivo vlasti taj koji treba osigurati neophodna finansijska sredstva i provesti proceduru za izradu Stručnog obrazloženja na osnovu kojeg se neki područje proglašava zaštićenim i to posebnim zakonom. U odgovoru stoji i da je neophodna saglasnost općinskih vijeća na čijem se području prema prostornom planu prostire zaštićeno područje, a u slučaju Grada Zenice kao pravnog sljednika Općine Zenica potrebna je saglasnost Vijeća Grada Zenica.

Uzimajući u obzir gore navedeno, Služba za ekologiju, komunalne i inspeksijske poslove dostavlja inicijativu da se razmatranje ove problematike stavi na Dnevni red Gradskog vijeća s ciljem glasanja o pomenutoj saglasnosti i upućivanjem službene inicijative Vladi i Skupštini Zeničko-dobojskog kantona.

S poštovanjem,

Pripremila: Jakuta Imširović, dipl.inž. maš.

Pregledao: Jasmin Čabaravdić, dipl.inž. maš.

PRILOG: - 1 x 1 x Informacija o proceduri proglašavanja parka prirode, br. 04/2-19-2-365/20 od 03.06.2020. godine.

DOSTAVLJENO:

1x Naslovu

1x a/a



POMOĆNICA GRADONAČELNIKA

Sabrina Helvida
Sabira Helvida, dipl.inž.građ.

Bosna i Hercegovina
Federacija Bosne i Hercegovine
FEDERALNO MINISTARSTVO
OKOLIŠA I TURIZMA

Jakuta

- 09 -

4.390
JASKIK)

Bosnia and Herzegovina
Federation of Bosnia and Herzegovina
FBiH MINISTRY OF
ENVIRONMENT AND TOURISM

Broj: 04/2-19-2-365/20
Sarajevo, 03.06.2020. godine

BOSNA I HERCEGOVINA
FEDERACIJA BOSNE I HERCEGOVINE
GRAD ZENICA
Trg BiH
72000 Zenica

Bosna i Hercegovina
FEDERACIJA BOSNE I HERCEGOVINE
ZENIČKO - DOBOJSKI
GRAD ZENICA
STARI TRG
ZENICA

08-06-2020 865

U	45	9190/1	
---	----	--------	--

Predmet: Informacija o proceduri proglašavanja parka prirode, dostavlja se

vašim aktom broj: 09-45-9190/20 od 19.05.2020. godine, obratili ste se Federalnom ministarstvu okoliša i turizma sa molbom za dostavljanje informacije o proceduri proglašavanja potencijalnog parka prirode Babina-Tvrtkovac, područja prirodne vrijednosti predloženim za zaštitu Prostornim planom Grada Zenica za period 2016 - 2036.godina.

Postupajući po vašem zahtjevu, Federalno ministarstvo okoliša i turizma dostavlja sljedeći odgovor:

Obzirom da predmetno područje pripada teritoriji grada Zenica, odnosno Zeničko-dobojskom kantonu, kao što ste naveli u vašem dopisu, sukladno Zakonu o zaštiti prirode Federacije BiH ("Službene novine Federacije BiH", broj: 66/13) proglašenje potencijalnog zaštićenog područja je u nadležnosti kantona.

Zaštićeno područje se proglašava posebnim zakonom na osnovu izrađenog Stručnog obrazloženja kojim se utvrđuje konačna kategorija njegove zaštite, granice prostornog obuhvata, kao i zone i režimi zaštite u zaštićenom području. Imajući na umu da su za izradu Prostornog plana grada Zenice za period 2016 - 2036. godina raspoloživi podaci po pitanju zaštite prirode i njene raznolikosti bili neznatni i da se područja prirodnih vrijednosti predloženi za zaštitu Prostornim planom ne zasnivaju na stručnom obrazloženju, to je potrebno provesti detaljna istraživanja predmetnog područja na osnovu kojih će se utvrditi konačna kategorija zaštite, precizne granice prostornog obuhvata i izvršiti zoniranje prostora.

Budući da na federalnom i kantonalnom nivou nije uspostavljen Zavod za zaštitu prirode koji bi obavljao stručne poslove zaštite prirode, uključujući izradu stručnih podloga/stručnih obrazloženja za zaštitu dijelova prirode, upravljanje zaštićenim područjima i korištenje prirodnih vrijednosti, a da analiza trenutnog stanja prostora, njegovih prirodnih vrijednosti, trenutnog korištenja prostora, itd. iziskuju dosta vremena i angažman stručnog kadra, kanton treba osigurati neophodna finansijska sredstva i provesti proceduru za izradu Stručnog obrazloženja. Podržavajući vaša pozitivna htijenja u domenu zaštite prirode, Federalno ministarstvo okoliša i turizma će imati na umu vašu inicijativu za proglašenje novog zaštićenog područja prilikom planiranja budućih aktivnosti u međunarodnim projektima koji se odnose na zaštitu prirode i zaštićena područja, a sugeriramo vam i da pratite web stranicu Fonda za zaštitu okoliša Federacije Bosne i Hercegovine, na kojoj se objavljuju javni pozivi za dodjelu sredstava po odabranim programima iz domena zaštite okoliša, uključujući projekte zaštite prirode, kako bi ste se mogli prijaviti na iste i eventualno osigurati potrebna finansijska sredstva u svrhu proglašenja planiranog područja zaštićenim.

Ovom prilikom, napominjemo da je, prema Zakonu o zaštiti prirode FBiH, za uspostavu/proглаšenje zaštićenog područja, kako na federalnom, tako i na kantonalnom nivou, neophodna saglasnost općinskih vijeća na čijem se području prema prostornom planu prostire zaštićeno područje, a u slučaju Grada Zenice, kao pravnog sljednika Općine Zenica potrebna saglasnost Vijeća Grada Zenica.

Nakon donošenja Zakona o proglašenju zaštićenog područja, upravljanje zaštićenim područjem se provodi u skladu sa odredbama Zakona o zaštiti prirode FBiH.

S poštovanjem,

Dostaviti:

- Naslovu
- Dokumentaciji
- Arhivi



777/20



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

ORIG/IZUDA
COPY/IZUDA/1x JAKŠIĆ/
1x JAKŠIĆ

Broj: 09-45-9190/20
Zenica, 19.05.2020. godine

Federalno ministarstvo okoliša i turizma
Hamdije Čemerlića br. 2
71000 Sarajevo
Bosna i Hercegovina

PREDMET: Informacija o proceduri proglašavanja parka prirode, traži se

Poštovani,

Na teritoriji Grada Zenica nalazi se područje koje obuhvata površinu od cca 52 km² i koje na osnovu svojih karakteristika predstavlja potencijal za zaštitu prema odredbama Zakona o zaštiti prirode (Službene novine FBiH, broj: 66/13). Radi se o potencijalnom parku prirode Babina – Tvrtkovac koji uključuje područja: Postojna iznad Puhovca, Markov kamen, Lastavica, tok Seočke rijeke sa izvorom (pećina), Tvrtkovac, do ispod Pepelara u pravcu zapada, izvorište Babine rijeke iznad Sebuja, Kraljevine, dalje u pravcu juga Mešanovo brdo, Smetovi, i dr. Na ovom lokalitetu nalaze se dvije tise koje se smatraju jednom od najstarijih u Evropi, potencijal za razvoj banjskog turizma i drugo. Predmetno područje kao područje za eventualnu zaštitu prepoznaje i Prostorni plan Grada Zenica, ali i Akcioni plan za zeleni grad Zenica.

Prema članu 144. Zakona o zaštiti prirode kategoriju IIIa zaštićenih prirodnih vrijednosti (park prirode) proglašava zakonom kantonalna skupština. Prema članu 9. istog zakona, poslove zaštite prirode iz nadležnosti kantona vrši kantonalno ministarstvo nadležno za poslove okoliša i Kantonalni zavod za zaštitu prirode. Nakon provedene procedure i proglašavanja nekog prostora zaštićenim, vlasnik (u ovom slučaju Grad) je dužan izraditi plan upravljanja prirodnim dobrom, korak u kome bi se trebala formirati radna grupa na nivou lokalne samouprave koja će biti zadužena za upravljanje zaštićenim područjem. Službeni zahtjev je upućen Zeničko-dobojskom kantonu, ali do danas nije pokrenuta procedura za proglašavanje područja zaštićenim. U svojim odgovorima na upite pojedinaca i udruženja kantonalno ministarstvo je jasno izrazilo da je potrebno da Grad Zenica na osnovu pretpostavljenih granica područja i lokacija prirodnih vrijednosti formira Stručni tim koji će utvrditi detaljan opis područja koja se zaštićuju, naziv i kategoriju zaštićene prirodne vrijednosti, ocjenu stanja prirodne vrijednosti, komponente prirode koja se želi zaštititi, kao i precizne granice prostornog obuhvata.

Međutim, članovima od 187 do 192 Zakona o zaštiti prirode utvrđuje se ko je zadužen za obavljanje stručnih poslova iz oblasti zaštite prirode, a jedinice lokalne samouprave nisu nabrojane ni u jednom članu kao odgovorne za pripremu i finansiranje izrade stručnih studija po kojima bi se moglo proglasiti zaštićeno područje.

Uzimajući u obzir gore navedeno, molimo vas da nas, kao nadležno ministarstvo na federalnom nivou, informišete o proceduri proglašavanja parka prirode i tome da li je Grad Zenica kao vlasnik teritorija na kome se nalazi eventualni park prirode dužan da pripremi stručni dio prije kandidovanja ka kantonalnom nivou vlasti ili je dovoljna inicijativa upućena ka tom nivou vlasti.

S poštovanjem,

DOSTAVLJENO:

1x Naslovu

1x Služba za ekologiju, komunalne i inspeksijske poslove

1x a/a



GRADONAČELNIK

Fuad Kasumović